


釋氏十三經

趙櫟初題



B94  
366

釋氏十三經

趙樸初題



書目文獻出版社

(京)新登字 189 號

釋氏十三經

中國佛學院 編  
中國佛教協會

書目文獻出版社

(北京文津街七號)

書目文獻出版社發行 新華書店經銷

民航印刷廠 益湖分廠印刷

850×1168 毫米 大 32 開本 18.125 印張

1989 年 8 月北京第 1 版 1993 年 10 月北京第 2 次印刷

印數:721~3220 冊

ISBN 7-5013-0960-4

B.66 定價: 20 元(平)

## 影印《釋氏十三經》前言

十三經這一名目，原爲儒家所立。漢代已將《易》、《詩》、《書》、《禮》、《春秋》奉爲五經。至唐代合《周禮》、《儀禮》、《公羊》、《穀梁》共爲九經。晚唐開成年間刻石經於國子學，加上《孝經》、《論語》、《爾雅》名曰十二經。屈至宋代，又增加《孟子》，至明代便合稱十三經了。佛家的經典，卷帙浩繁，學者便模擬儒家的這十名目，拈出十三部來，編成《釋氏十三經》，以適應一般研學參考的基本需要。

佛教在公元前六世紀時，由釋迦牟尼（約前五六五—前四八六）創始於印度，約當公元一世紀時，傳來我國漢地，與此相伴，便是佛經翻譯工作的開展。自漢迄元，綿歷一千一百餘年，共有一百九十多位包括像玄奘（六〇〇—六六四）、鳩摩羅什（三五〇—四〇九）、不空（七〇五—七七四）、真諦（四九九—五六九）那樣偉大的中、印翻譯家，譯出經精達一千四百四十餘部，共五千六百餘卷，是一筆非常了不起的文化財富。

佛經的傳譯，爲我國傳統文化提供了豐富的滋養。兩千年來，我國社會的各個方面，例如文學、語言、音樂、繪畫、雕塑、建築、天文、地理、醫藥、民俗等文化領域以及哲學思想領域，無不滲透着佛教的影響。這已是國內外學人的共識。

人類社會歷史文化的進程，總是綿延不斷的。先人用血汗凝聚起來的珍貴遺產，需要後人去承前啟後，繼往開來。我們祇有確切地瞭解人類全部發展過程所創造的文化，祇有對這種文化加以改造，才能建設社會主義的新文化，沒有這樣的認識，我們就不能完成這項任務。佛教文化在我國全部歷史文化中佔的重要地位，是一個客觀的歷史事實，是不容否認的。許多人認爲佛教主張消極厭世。其實，這多

少是一種誤會。須知，無論大小乘佛教，都是以與人為善、與人為樂為宗旨的，祇是與人的程度有着深淺的差異而已。

今天我們正在致力於社會主義精神文明建設，提倡社會主義道德，而社會主義道德是一個多層次、多方面的結構，其中也包括宗教道德。宗教道德鼓勵教徒行善，積極為社會做好事，佛教的五戒、十善、四攝、六度、莊嚴國土、利樂有情等自利利他的廣大行願，「諸惡莫作、眾善奉行」的行為規範，都是宗教道德的組成部份，在客觀上是能夠與社會主義道德相適應，與社會主義精神文明相協調的。

本世紀初，上海佛學書局曾經出版過《釋氏十三經》。對十三種經的選定，當時傾向於普通教徒研習之需，多少有些局限性。這次我們重新選定，易其圓覺、《梵網》、《佛遺教》、《四十二章》、《八大人覺》和《無量壽》六經，而以《勝鬘》、《十住行道品》、《金光明》、《解深密》、《大日》和《壇經》充之。這樣不僅便於一般研習，而且可以較為全面地反映出我國大乘佛教各宗派的性質。其中，除了《壇經》是漢人（唐，慧能）述作外，其他都是從梵文翻譯的。至於學術界對《楞嚴》的傳譯有所爭議，那是另一回事了。版本選用了校勘精密的金陵刻經處本（其中《十住行道品》、《大日》兩經雖非金陵本，然屬同類刻本）。

佛教的著名經典，如《華嚴經》有八十卷之多，《大般若經》有六百卷之鉅，內容雖然豐富，研閱起來，頗費時力。如上述選十三經中，《十住行道品》即屬華嚴部類，《金剛般若》並《般若心經》便是六百卷太部的精髓。所以，這次十三經的選定，無論從學派思想和卷帙數量看，可以說都是比較確當的。

我國佛教承襲印度而多有發展，宗派學系繁多，所宗經典不一，總括起來，為空、有兩系。空與有，是同一事物的兩方面，這是佛教認識事物的基本法則。空，是指物質與精神的生起和演變，依因緣生，無固定性；有，是就物質與精神的存在和類別，萬象森羅，時空無盡。如果將這十三部經，就其意趣側重，加以歸屬，大致可為：着重於談空的，有《維摩詰》、《金剛般若》、《般若心經》等，屬中觀（二論）學系。側重

於說有的，有《解深密》、《楞伽》，屬瑜伽（法相）學系；又，《楞伽》也是達摩禪法之所本；《十住行道品》、《金光明》屬華嚴（賢首）學系；《觀無量壽佛經》屬淨土學系。說亦空亦有或非空非有的，有《法華》、《勝鬘》，屬法華（天臺）學系；又，《法華》也是三論學系所宗的經典；《楞嚴》、《壇經》屬禪學系；《大日》（具稱《大毘盧遮那成佛神變加持經》）屬密教（真言）學系。如上就其大致作了這樣的劃分，實際上各宗思想無不賅羅空有，融攝俗真。吾人要想瞭解佛教的思想文化，首先要研閱其原典，僅從這一點來說，《釋氏十二經》的影印出版，就是一件很有意義的事了。

中國佛學院

一九八九年三月

金剛經啟請

香讚

爐香乍熱法界蒙薰諸佛海會悉遙聞隨處結

祥雲誠意方殷諸佛現全身

南無香雲蓋菩薩摩訶薩 三稱

淨口業真言

修利修利摩訶修利修利薩婆訶

淨三業真言

唵娑喇婆嚩訶呬娑嚩達摩娑嚩婆訶度憾

金剛經

安土地真言

南無三滿多母駄喃唵度嚩度嚩地尾娑婆訶

普供養真言

唵誑誑曩三婆嚩囉日囉斛

奉請八金剛

奉請青除災金剛 奉請辟毒金剛

奉請黃隨求金剛 奉請白淨水金剛

奉請赤聲火金剛 奉請定持災金剛

奉請紫賢金剛 奉請大神金剛

奉請四菩薩

奉請金剛眷菩薩 奉請金剛索菩薩

奉請金剛愛菩薩 奉請金剛語菩薩

發願文

稽首三界尊 皈依十方佛 我今發宏願

持此金剛經 上報四重恩 下濟三塗苦

若有見聞者 悉發菩提心 盡此一報身

同生極樂國

云何梵

金剛經

云何得長壽 金剛不壞身 復以何因緣

得大堅固力 云何於此經 究竟到彼岸

願佛開微密 廣為眾生說

開經偈

無上甚深微妙法 百千萬劫難遭遇

我今見聞得受持 願解如來真實義

南無祇園會上佛菩薩 三稱

金剛般若波羅蜜經

姚秦三藏法師鳩摩羅什譯

法會因由分第一

如是我聞。一時佛在舍衛國祇樹給孤獨園。與大比丘眾千二百五十人俱。爾時世尊食時。著衣持鉢。入舍衛大城乞食。於其城中。次第乞已。還至本處。飯食訖。收衣鉢。洗足已。敷座而坐。

善現啟請分第二

時長老須菩提。在大眾中。即從座起。偏袒右肩。

金剛經

三

右膝著地。合掌恭敬。而白佛言。希有世尊。如來善護念諸菩薩。善付囑諸菩薩。世尊。善男子。善女人。發阿耨多羅三藐三菩提心。云何應住。云何降伏其心。佛言。善哉。善哉。須菩提。如汝所說。如來善護念諸菩薩。善付囑諸菩薩。汝今諦聽。當為汝說。善男子。善女人。發阿耨多羅三藐三菩提心。應如是住。如是降伏其心。唯然。世尊。願樂欲聞。

大乘正宗分第三

佛告須菩提。諸菩薩摩訶薩。應如是降伏其心。所有一切眾生之類。若卵生。若胎生。若濕生。若化生。若有色。若無色。若有想。若無想。若非有想。非無想。我皆令入無餘涅槃而滅度之。如是滅度無量無數無邊眾生。實無眾生得滅度者。何以故。須菩提。若菩薩有我相。人相。眾生相。壽者相。即非菩薩。

妙行無住分第四

復次須菩提。菩薩於法。應無所住。行於布施。所

金剛經

四

謂不住色。布施。不住聲香味觸法。布施。須菩提。菩薩應如是布施。不住於相。何以故。若菩薩不住相布施。其福德不可思量。須菩提。於意云何。東方虛空可思量不。不也。世尊。須菩提。南西北方。四維上下。虛空可思量不。不也。世尊。須菩提。菩薩無住相。布施。福德亦復如是。不可思量。須菩提。菩薩但應如所教住。

如理實見分第五

須菩提。於意云何。可以身相見如來不。不也。世

尊不可以身相得見如來何以故如來所說身相卽非身相佛告須菩提凡所有相皆是虛妄若見諸相非相卽見如來

正信希有分第六

須菩提白佛言世尊頗有眾生得聞如是言說章句生實信不佛告須菩提莫作是說如來滅後後五百歲有持戒修福者於此章句能生信心以此爲實當知是人不少於一佛二佛三四五佛而種善根已於無量千萬佛所種諸善根聞

金剛經

五

是章句乃至一念生淨信者須菩提如來悉知悉見是諸眾生得如是無量福德何以故是諸眾生無復我相人相眾生相壽者相無法相亦無非法相何以故是諸眾生若心取相則爲著我人眾生壽者若取法相卽著我人眾生壽者何以故若取非法相卽著我人眾生壽者是故不應取法不應取非法以是義故如來常說汝等比丘知我說法如筏喻者法尚應捨何況非法

無得無說分第七

須菩提於意云何如來得阿耨多羅三藐三菩提耶如來有所說法耶須菩提言如我解佛所說義無有定法名阿耨多羅三藐三菩提亦無有定法如來可說何以故如來所說法皆不可取不可說非法非非法所以者何一切賢聖皆以無爲法而有差別

依法出生分第八

須菩提於意云何若人滿三千大千世界七寶

金剛經

六

以用布施是人所得福德寧爲多不須菩提言甚多世尊何以故是福德卽非福德性是故如來說福德多若復有人於此經中受持乃至四句偈等爲他人說其福勝彼何以故須菩提一切諸佛及諸佛阿耨多羅三藐三菩提法皆從此經出須菩提所謂佛法者卽非佛法

一相無相分第九

須菩提於意云何須陀洹能作是念我得須陀洹果不須菩提言不也世尊何以故須陀洹名

爲入流而無所入不入色聲香味觸法是名須陀洹須菩提於意云何斯陀舍能作是念我得斯陀舍果不須菩提言不也世尊何以故斯陀舍名一往來而實無往來是名斯陀舍須菩提於意云何阿那舍能作是念我得阿那舍果不須菩提言不也世尊何以故阿那舍名爲不來而實無不來是故名阿那舍須菩提於意云何阿羅漢能作是念我得阿羅漢道不須菩提言不也世尊何以故實無有法名阿羅漢世尊若

金剛經

七

阿羅漢作是念我得阿羅漢道卽爲著我人眾生壽者世尊佛說我得無諍三昧人中最爲第一是第一離欲阿羅漢世尊我不作是念我是離欲阿羅漢世尊我若作是念我得阿羅漢道世尊則不說須菩提是樂阿蘭那行者以須菩提實無所行而名須菩提是樂阿蘭那行

莊嚴淨土分第十

佛告須菩提於意云何如來昔在然燈佛所於法有所得不也世尊如來在然燈佛所於法

實無所得須菩提於意云何菩薩莊嚴佛土不也世尊何以故莊嚴佛土者卽非莊嚴是名莊嚴是故須菩提諸菩薩摩訶薩應如是生清淨心不應住色生心不應住聲香味觸法生心應無所住而生其心須菩提譬如有人身如須彌山王於意云何是身爲大不須菩提言甚大世尊何以故佛說非身是名大身

無爲福勝分第十一

須菩提如恆河中所有沙數如是沙等恆河於

金剛經

八

意云何是諸恆河沙寧爲多不須菩提言甚多世尊但諸恆河尚多無數何況其沙須菩提我今實言告汝若有善男子善女人以七寶滿爾所恆河沙數三千大千世界以用布施得福多不須菩提言甚多世尊佛告須菩提若善男子善女人於此經中乃至受持四句偈等爲他人說而此福德勝前福德

尊重正教分第十二

復次須菩提隨說是經乃至四句偈等當知此

處一切世間天人阿脩羅皆應供養如佛塔廟  
何況有人盡能受持讀誦須菩提當知是人成  
就最上第一希有之法若是經典所在之處即  
爲有佛若尊重弟子

### 如法受持分第十三

爾時須菩提白佛言世尊當何名此經我等云  
何奉持佛告須菩提是經名爲金剛般若波羅  
蜜以是名字汝當奉持所以者何須菩提佛說  
般若波羅蜜即非般若波羅蜜是名般若波羅

金剛經

九

蜜須菩提於意云何如來有所說法不須菩提  
白佛言世尊如來無所說須菩提於意云何三  
千大千世界所有微塵是爲多不須菩提言甚  
多世尊須菩提諸微塵如來說非微塵是名微  
塵如來說世界非世界是名世界須菩提於意  
云何可以三十二相見如來不也世尊不可  
以三十二相得見如來何以故如來說三十二  
相即是非相是名三十二相須菩提若有善男  
子善女人以恆河沙等身命布施若復有人於

此經中乃至受持四句偈等爲他人說其福甚  
多

### 離相寂滅分第十四

爾時須菩提聞說是經深解義趣涕淚悲泣而  
白佛言希有世尊佛說如是甚深經典我從昔  
來所得慧眼未曾得聞如是之經世尊若復有  
人得聞是經信心清淨則生實相當知是人脫  
就第一希有功德世尊是實相者即是非相是  
故如來說名實相世尊我今得聞如是經典信

金剛經

十

解受持不足爲難若當來世後五百歲其有眾  
生得聞是經信解受持是人則爲第一希有何  
以故此人無我相無人相無眾生相無壽者相  
所以者何我相即是非相人相眾生相壽者相  
即是非相何以故離一切諸相即名諸佛佛告  
須菩提如是如是若復有人得聞是經不驚不  
怖不畏當知是人甚爲希有何以故須菩提如  
來說第一波羅蜜即非第一波羅蜜是名第一  
波羅蜜須菩提忍辱波羅蜜如來說非忍辱波

羅蜜是名忍辱波羅蜜何以故須菩提如我昔  
爲歌利王割截身體我於爾時無我相無人相  
無眾生相無壽者相何以故我於往昔節節支  
解時若有我相人相眾生相壽者相應生瞋恨  
須菩提又念過去五百世作忍辱仙人於爾  
所世無我相無人相無眾生相無壽者相是故  
須菩提菩薩應離一切相發阿耨多羅三藐三  
菩提心不應住色生心不應住聲香味觸法生  
心應生無所住心若心有住卽爲非住是故佛

金剛經

十一

說菩薩心不應住色布施須菩提菩薩爲利益  
一切眾生故應如是布施如來說一切諸相卽  
是非相又說一切眾生卽非眾生須菩提如來  
是真語者實語者如語者不誑語者不異語者  
須菩提如來所得法此法無實無虛須菩提若  
菩薩心住於法而行布施如人入暗則無所見  
若菩薩心不住法而行布施如人有目日光明  
照見種種色須菩提當來之世若有善男子善  
女人能於此經受持讀誦則爲如來以佛智慧

悉知是人悉見是人皆得成就無量無邊功德  
持經功德分第十五

須菩提若有善男子善女人初日分以恆河沙  
等身布施中日分復以恆河沙等身布施後日  
分亦以恆河沙等身布施如是無量百千萬億  
劫以身布施若復有人聞此經典信心不逆某  
福勝彼何況書寫受持讀誦爲人解說須菩提  
以要言之是經有不可思議不可稱量無邊功  
德如來爲發大乘者說爲發最上乘者說若有

金剛經

十二

人能受持讀誦廣爲人說如來悉知是人悉見  
是人皆得成就不可量不可稱無有邊不可思  
議功德如是人等則爲荷擔如來阿耨多羅三  
藐三菩提何以故須菩提若樂小法者著我見  
人見眾生見壽者見則於此經不能聽受讀誦  
爲人解說須菩提在在處處若有此經一切世  
間天人阿脩羅所應供養當知此處則爲是塔  
皆應恭敬作禮圍繞以諸華香而散其處

能淨業障分第十六

復次須菩提。善男子。善女人。受持讀誦此經。若  
為人輕賤。是人先世罪業。則爲消滅。當得阿耨多羅三  
藐三菩提。須菩提。我念過去無量阿僧祇劫。於  
然燈佛前。得值八百四千萬億那由他諸佛。悉  
皆供養承事。無空過者。若復有人。於後末世。能  
受持讀誦此經。所得功德。於我所供養諸佛功  
德。百分不及一。千萬億分。乃至算數譬喻所不  
能及。須菩提。若善男子。善女人。於後末世。有受  
持讀誦此經。所得功德。若具說者。或有人聞  
心。即狂亂。狐疑不信。須菩提。當知是經。義不可  
思議。果報亦不可思議。

究竟無我分第十七

爾時須菩提。白佛言。世尊。善男子。善女人。發阿  
耨多羅三藐三菩提心。云何應住。云何降伏其  
心。佛告須菩提。善男子。善女人。發阿耨多羅三  
藐三菩提心者。當生如是心。我應滅度一切眾  
生。滅度一切眾生已。而無有一眾生實滅度者。

何以故。須菩提。若菩薩有我相。人相。眾生相。壽  
者相。則非菩薩。所以者何。須菩提。實無有法。發  
阿耨多羅三藐三菩提心者。須菩提。於意云何。  
如來於然燈佛所有法得阿耨多羅三藐三菩提。  
不也。世尊。如我解佛所說義。佛於然燈佛  
所。無有法得阿耨多羅三藐三菩提。佛言。如是。  
如是。須菩提。實無有法。如來得阿耨多羅三藐  
三菩提。須菩提。若有法。如來得阿耨多羅三藐  
三菩提者。然燈佛則不與我授記。汝於來世當

金剛經

十四

得作佛。號釋迦牟尼。以實無有法得阿耨多羅  
三藐三菩提。是故然燈佛與我授記。作是言。汝  
於來世當得作佛。號釋迦牟尼。何以故。如來者。  
卽諸法如義。若有人言。如來得阿耨多羅三藐  
三菩提。須菩提。實無有法。佛得阿耨多羅三藐  
三菩提。須菩提。如來所得阿耨多羅三藐三菩  
提。於是中。實無有法是。故如來說一切法。皆是  
佛法。須菩提。所言一切法者。卽非一切法。是故  
吾一切法。須菩提。譬如人身長大。須菩提。言世

尊如來說人身長大即爲非大身是名大身須  
菩提菩薩亦如是若作是言我當滅度無量眾  
生則不名菩薩何以故須菩提實無有法名爲  
菩薩是故佛說一切法無我無人無眾生無壽  
者須菩提若菩薩作是言我當莊嚴佛土是不  
名菩薩何以故如來說莊嚴佛土者即非莊嚴  
是名莊嚴須菩提若菩薩通達無我法者如來  
說名真是菩薩

一體同觀分第十八

金剛經

十五

須菩提於意云何如來有肉眼不如是世尊如  
來有肉眼須菩提於意云何如來有天眼不如  
是世尊如來有天眼須菩提於意云何如來有  
慧眼不如是世尊如來有慧眼須菩提於意云  
何如 有法眼不如是世尊如來有法眼須菩  
提於意云何如來有佛眼不如是世尊如來有  
佛眼須菩提於意云何如恆河中所有沙佛說  
是沙不如是世尊如來說是沙須菩提於意云  
何如一恆河中所有沙有如是沙等恆河是諸

恆河所有沙數佛世界如是寧爲多不世  
尊佛告須菩提爾所國土中所有眾生若干種  
心如來悉知何以故如來說諸心皆爲非心是  
名爲心所以者何須菩提過去心不可得現在  
心不可得未來心不可得

法界通化分第十九

須菩提於意云何若有人滿三千大千世界七  
寶以用布施是人以是因緣得福甚多須菩提若  
尊此人以是因緣得福甚多須菩提若福德有

金剛經

十六

實如來不說得福德多以福德無故如來說得  
福德多

離色離相分第二十

須菩提於意云何佛可以具足色身見不也  
世尊如來不應以具足色身見何以故如來說  
具足色身即非具足色身是名具足色身須菩  
提於意云何如來可以具足諸相見不也世  
尊如來不應以具足諸相見何以故如來說諸  
相具足即非具足是名諸相具足

非說所說分第二十一

須菩提汝勿謂如來作是念我當有所說法莫作是念何以故若人言如來有所說法卽爲謗佛不能解我所說故須菩提說法者無法可說是名說法爾時慧命須菩提白佛言世尊頗有眾生於未來世聞說是法生信心不佛言須菩提彼非眾生非不眾生何以故須菩提眾生眾生者如來說非眾生是名眾生

無法可得分第二十二

金剛經

十七

須菩提白佛言世尊佛得阿耨多羅三藐三菩提爲無用耶佛言如是如是須菩提我於阿耨多羅三藐三菩提乃至無有少法可得是名阿耨多羅三藐三菩提

淨心行善分第二十三

復次須菩提是法平等無有高下是名阿耨多羅三藐三菩提以無我無人無眾生無壽者修一切善法卽得阿耨多羅三藐三菩提須菩提所言善法者如來說卽非善法是名善法

金剛般若波羅密經

福智無比分第二十四

須菩提若三千大千世界中所有諸須彌山王如是等七寶聚有人持用布施若人以此般若波羅蜜經乃至四句偈等受持讀誦爲他人說於前福德百分不及一百千萬億分乃至算數譬喻所不能及

化無所化分第二十五

須菩提於意云何汝等勿謂如來作是念我當度眾生須菩提莫作是念何以故實無有眾生

金剛經

十八

如來度者若有眾生如來度者如來卽有我人眾生壽者須菩提如來說有我者卽非有我而凡夫之人以爲有我須菩提凡夫者如來說卽非凡夫是名凡夫

法身非相分第二十六

須菩提於意云何可以三十二相觀如來不須菩提言如是如是以三十二相觀如來佛言須菩提若以三十二相觀如來者轉輪聖王卽是如來須菩提白佛言世尊如我解佛所說義不

應以三十二相觀如來爾時世尊而說偈言

若以色見我 以音聲求我

是人行邪道 不能見如來

無斷無滅分第二十七

須菩提汝若作是念如來不以具足相故得阿耨多羅三藐三菩提須菩提莫作是念如來不以具足相故得阿耨多羅三藐三菩提須菩提汝若作是念發阿耨多羅三藐三菩提心者說諸法斷滅莫作是念何以故發阿耨多羅三藐

金剛經

十九

三菩提心者於法不說斷滅相

不受不貪分第二十八

須菩提若菩薩以滿恆河沙等世界七寶持用布施若復有人知一切法無我得成於忍此菩薩勝前菩薩所得功德何以故須菩提以諸菩薩不受福德故須菩提白佛言世尊云何菩薩不受福德須菩提菩薩所作福德不應貪著是故說不受福德

威儀寂淨分第二十九

須菩提若有人言如來若來若去若坐若臥是人不解我所說義何以故如來者無所從來亦無所去故名如來

一合理相分第三十

須菩提若善男子善女人以三千大千世界碎為微塵於意云何是微塵眾寧為多不須菩提言甚多世尊何以故若是微塵眾實有者佛即不說是微塵眾所以者何佛說微塵眾即非微塵眾是名微塵眾世尊如來所說三千大千世

金剛經

二十

界即非世界是名世界何以故若世界實有者即是一合相如來說一合相即非一合相是名一合相須菩提一合相者即是不可說但凡夫之人貪著其事

知見不生分第三十一

須菩提若人言佛說我見人見眾生見壽者見須菩提於意云何是人解我所說義不也世尊是人不解如來所說義何以故世尊說我見人見眾生見壽者見即非我見人見眾生見壽

者見是名我見人見眾生見壽者見須菩提發  
阿耨多羅三藐三菩提心者於一切法應如是  
知如是見如是信解不生法相須菩提所言法  
相者如來說即非法相是名法相

應化非真分第三十二

須菩提若有人以滿無量阿僧祇世界七寶持  
用布施若有善男子善女人發菩提心者持於  
此經乃至四句偈等受持讀誦為人演說其福  
勝彼云何為人演說不取於相如如不動何以

金剛經

三十一

故

一切有爲法

如夢幻泡影

如露亦如電

應作如是觀

佛說是經已長老須菩提及諸比丘比丘尼優  
婆塞優婆夷一切世間天人阿脩羅聞佛所說  
皆大歡喜信受奉行  
金剛般若波羅蜜經

般若無盡藏真言

納謨薄伽伐帝鉢喇若波羅蜜多曳怛姪他唵

般若波羅蜜多心經

訖唎地唎室唎戌嚩知三密聚知佛肚曳莎訶

金剛心真言

唵烏倫尼娑婆訶

補闕真言

南謨喝囉怛那哆囉夜耶佉囉佉囉俱住俱住  
摩囉摩囉虎囉吽賀賀蘇怛拏吽潑抹拏娑婆  
訶

補闕真言

唵呼嚧呼嚧社曳穆契莎訶

金剛經

三十二

普同向真言

唵娑摩囉娑摩囉毘摩曇薩縛訶摩訶訶迦囉  
嚩吽

金剛讚

斷疑生信絕相超宗頓忘人法解真空般若味  
重重四句融通福德歎無窮  
南無祇園會上佛菩薩三稱

般若波羅蜜多心經

唐三藏法師玄奘奉詔譯

二